

P. 124, L. 6【事窮理盡】《法華文句記》卷3〈釋序品〉：「我見下四偈，不同舊釋以為結成。須頌上文判答意者，若作結成之言則剩，判答之文又闕，豈得不將頌判答耶？頌上『當說大乘經』者，亦應云『名妙法蓮華』，頌云『佛當雨法雨』等，頌上『教菩薩法』。故知上之六句，但明欲說之由，誠眾令生渴慕耳。頌云『諸求三乘人』等，頌上『佛所護念』，是佛所護故為斷疑，與上文相混合，何得不頌上耶？若作斷伏疑釋者，文復妙同。斷第一意者，妙瑞本表報於法同。斷第二意者，瑞同法法同，法必實相。斷第三意者，至此會者咸無異求。斷第四意者，三疑得除，功在於佛。「事窮」等者，「事窮」謂名等三也。「理盡」謂所顯之體。事理合一，何所復疑？」(T34, p. 209b4-18)

P. 125~136《會義》【釋方便品題科】出《文句記》、《法華三大部科文》

1. 略釋：1 正釋(三)：(1)約法用釋；(2)約能詮釋；(3)約秘妙釋。P. 125  
 2 料簡(三)：(1)約自他三語；(2)約能所；(3)約四句。P. 126
2. 廣釋：1 破古。(不錄)P. 126  
 2 正釋(二)：(1)通釋。(2)別釋。  
 (1)通釋(三)：1. 列四句；2. 釋四句；3. 辨功用。P. 126-127  
 (2)別釋(二)：1. 總標列章；2. 八番解釋(八)。P. 127-136

P. 125, L. 6【正釋有三】

釋名	約義	釋義	引經
1. 方, 法也。 便, 用也。	約法用釋	以方矩、圓規譬三權、一實, 智詣則能善用。	佛以方便力。示以三乘教。眾生處處著。引之令得出。
2. 方便門也。 能通於所通。	約能詮釋	真實得顯, 功由方便。從能顯得名故以門釋。	此經開方便門。示真實相。
3. 方, 秘也。 便, 妙也。	約秘妙釋	昔秘今妙。妙達於方, 即是真秘, 方便及門。即是秘妙。 (正是今品意)	內衣裏無價寶珠, 王頂上惟有一珠。唯我知是相。十方佛亦然。止止不須說。我法妙難思。

《法華文句記》卷3〈釋方便品〉：「初正釋中文自為三，初一從字訓，後二從意義。又初二從昔教，後一屬今經。雖有三釋，並以三教而為方便，但有能通、非能通，及以即、不即異，致成三釋，然須略談三種大旨，方可消文。然於三中，初約能用三教得名，法是所用，用是能用，雖法之與用俱通四教，但

有方圓差會之殊，故方便之稱從權立名，權不即實，故對昔辨，成體外權，非今品意。文中舉圓即屬真實，相對來耳。故知在昔不應以祕妙釋方便也，乃是祕而不說名為方便。況圓於昔，乃是兼帶之圓，是故偏圓，咸非今意。次第二釋，權屬能通三教，亦得名為方便；然雖不即，以能為圓作遠詮故；所詮之圓，亦帶能詮為方便故，故知並非今品意也。前釋不云三為能者，權實逗會，各致其極，故方法不同。至第三釋，方乃三權即是一實，指此即實之權，方名今經方便。」(T34, p. 209, b28-c17)

P. 125, L. 8【如經】參考 p. 150+151。《妙法蓮華經》卷 1〈方便品 2〉：「佛以方便力，示以三乘教，眾生處處著，引之令得出。」爾時大眾中，有諸聲聞漏盡阿羅漢，阿若憍陳如等千二百人，及發聲聞、辟支佛心比丘、比丘尼、優婆塞、優婆夷，各作是念：「今者、世尊何故慇懃稱歎方便而作是言：『佛所得法甚深難解，有所言說意趣難知，一切聲聞、辟支佛所不能及。』」(T9, p. 6, a26-b4)

P. 125, L. -4【如經】參考 p. 453。《妙法蓮華經》卷 4〈法師品 10〉：「一切菩薩阿耨多羅三藐三菩提，皆屬此經。此經開方便門，示真實相。是法華經藏，深固幽遠，無人能到，今佛教化成就菩薩而為開示。」(T09, p. 31, c15-19)

P. 125, L. -3【衣裏寶珠、王頂一珠】參考 p. 426+543。《妙法蓮華經》卷 4〈五百弟子受記品 8〉：「譬如有人至親友家，醉酒而臥。是時親友官事當行，以無價寶珠繫其衣裏，與之而去。其人醉臥，都不覺知。」(T09, p. 29, a6-8) 卷 5〈安樂行品 14〉：「王見兵眾戰有功者，即大歡喜，隨功賞賜，或與田宅、聚落、城邑；或與衣服、嚴身之具；或與種種珍寶：金、銀、琉璃、車渠、馬腦、珊瑚、琥珀，象馬車乘，奴婢人民。唯髻中明珠，不以與之。所以者何？獨王頂上有此一珠，若以與之，王諸眷屬必大驚怪。」(T09, p. 38, c24-29)

P. 125, L. -2【客作人、長者子】參考 p. 307+312。《妙法蓮華經》卷 2〈信解品 4〉：「爾時窮子雖欣此遇，猶故自謂客作賤人。由是之故，於二十年中常令除糞。」「臨欲終時，而命其子并會親族、國王、大臣、剎利、居士，皆悉已集，即自宣言：諸君當知！此是我子，我之所生。」(T09, p. 17, a26-b11)

P. 125, L. -2【如經】參考 p. 149+154。《妙法蓮華經》卷 1〈方便品 2〉：「無漏不思議，甚深微妙法，我今已具得，唯我知是相，十方佛亦然。」「止止不須說，我法妙難思。諸增上慢者，聞必不敬信。」(T09, p. 6, a18-c20)